

MPN/mag

**ACTA DA SESIÓN ORDINARIA DA COMISIÓN INFORMATIVA DE COOPERACIÓN  
MUNICIPAL, COOPERACIÓN TRANSFRONTEIRIZA E COHESIÓN SOCIAL DO DÍA  
18/02/2022**

ASISTENTES

PRESIDENTE:	D. Santos Héctor Rodríguez Díaz
SUPLENTE	D <sup>a</sup> . Olga María García Ballesteros
VOGAIS:	D <sup>a</sup> . Ana María Mejías Sacaluga D. Gorka Gómez Díaz D <sup>a</sup> . Raquel Giráldez Armas D. Manuel González Martínez D. Gregorio Agís Gómez D <sup>a</sup> . Iria Lamas Salgueiro D. José Carlos López Campos D. Jorge Cubela López D. Manuel Alejandro Lorenzo Alonso D <sup>a</sup> . María Paz Lago Martínez D. Ignacio Maril Pardo D. José Alfonso Marnotes González D. Javier Tourís Romero D. Xosé Cesáreo Mosquera Lorenzo D <sup>a</sup> . María Ortega Iñarrea, en substitución de D. Uxío Benítez Fernández

Sendo as doce horas e cinco minutos do día dezoito de febreiro do ano dous mil vinte e dous, reúnen-se no Pazo Provincial os Sres./as. Deputados/as arriba relacionados, en sesión extraordinaria, e baixo a Presidencia de D. Santos Héctor Rodríguez Díaz. Actúa como secretaria a xefa do Servizo de Cooperación, D<sup>a</sup>. Marina Piñeiro Novo.

Aberta a sesión polo Presidente, pásase ó estudo dos asuntos incluídos na Orde do Día, sobre os que recaeron os seguintes ditames:



## **1.- APROBACIÓN DA ACTA ANTERIOR**

Apróbase a acta da sesión anterior correspondente á sesión extraordinaria celebrada o vinte e catro de xaneiro do ano dous mil vinte e dous co voto favorable de todos os membros da Comisión.

## **2.- DITAMINAR O CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A UNIÓN DE COOPERATIVAS ESPAZOCOOP PARA A PROMOCIÓN DA ECONOMÍA SOCIAL E O COOPERATIVISMO (expediente 2022006291)**

De conformidade co establecido nos artigos 123 a 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ó Ditame da Comisión Informativa de Cooperación Municipal, Cooperación Transfronteiriza e Cohesión Social a seguinte proposta de acordo con carácter previo á súa elevación ante o órgano competente para a súa aprobación:

**“ASUNTO: APROBACIÓN DO CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A UNIÓN DE COOPERATIVAS ESPAZOCOOP PARA A PROMOCIÓN DA ECONOMÍA SOCIAL E O COOPERATIVISMO**

*Do exame do expediente quedan acreditados os seguintes antecedentes:*

- *No exercicio das súas atribucións, e ao abeiro da normativa aplicable, a Deputación Provincial de Pontevedra e a Unión de Cooperativas EspazoCoop (en adiante EspazoCoop), en calidade de organización representativa do cooperativismo en Galicia desexan establecer as pautas de colaboración para levar a cabo o “Convenio de colaboración entre a Deputación Provincial de Pontevedra e a Unión de Cooperativas Espazocoop para a promoción da economía social e o cooperativismo”, co obxectivo de levar a cabo de forma coordinada actuacións do fomento de cooperativismo na provincia de Pontevedra.*
- *Para dar cumprimento ó obxectivo referido no parágrafo anterior, en data 09/02/2022 a Unión de Cooperativas Espazocoop presenta pola sede electrónica, Rex. WEB2022005137 unha solicitude e demais documentación necesaria para a formalización do convenio. Asemade achégase unha memoria das actuacións a levar a cabo no marco do convenio.*
- *Revisada polo Servizo de Cooperación, a documentación achegada cumpre os requisitos esixidos pola normativa aplicable para a sinatura do convenio.*
- *Tendo en conta todo o que antecede, dada conta da proposta de Convenio, e visto o informe da Xefa de Servizo de Cooperación no relativo ó interese público das actuacións, o informe non preceptivo da Secretaría Xeral, o informe do Enxeñeiro Xefe do servizo de Cooperación relativo ós custos totais derivados da cesión e o informe da Intervención Provincial, no que se manifesta a conformidade coa proposta de colaboración.*



## FUNDAMENTOS XURÍDICOS

### Lexislación aplicable

- *Real Decreto Lexislativo 2/2004, de 5 de marzo, polo que se aproba o texto refundido da Lei reguladora das facendas Locais (TRLRFL)*
- *Lei 7/1985, de 2 de abril, Reguladora das Bases do Réxime Local (LRBRL)*
- *Lei 39/2015, de 1 de outubro, do Procedemento Administrativo Común das administracións públicas (LPACAP)*
- *Lei 40/2015, de 1 de outubro, do Réxime Xurídico do Sector Público (LRXSP)*
- *Acordo regulador do Prezo Público polos servizos que se prestan nos viveiros de empresas de Barro e de Lalín.*
- *Bases de execución do Orzamento Provincial.*

### Consideracións Xurídicas:

#### Competencia:

- *Artigo 36.1.d) da LRBRL, que atribúe ás Deputacións competencias en materia de cooperación no fomento do desenvolvemento económico e social e na planificación no territorio provincial, de acordo coas competencias das demais administracións públicas neste ámbito. Pola súa parte, o artigo 109 da LALGA encoméndalles en xeral as deputacións, o fomento e a administración dos intereses peculiares da provincia.*
- *A Deputación é propietaria do edificio destinado a viveiro de empresas, situado no polígono industrial Lalín 2000, no Concello de Lalín, a través do cal se ofertan diversas actividades de formación e divulgación encamiñadas a dar visibilidade a oportunidades de negocio no territorio atendendo a criterios de desenvolvemento local, rural, social e sostible da comunidade.*
- *A Unión de Cooperativas EspazoCooP, en calidade de organización representativa do cooperativismo en Galicia, ten competencias recoñecidas para o desenvolvemento, fomento e colaboración con outras institucións e entidades, públicas e privadas, para a fomento e promoción do cooperativismo, a economía social, e a formación e asesoramento de procesos de emprendemento cooperativo e de proxectos cooperativos, en Galicia.*

#### Petición e evacuación de informes:

- *Artigos 79 e 80 da LPACAP sobre a petición e a evacuación de informes.*
- *Artigo 88.6 da LPACAP, que sinala que a aceptación de informes ou ditames servirá de motivación á Resolución cando se incorporen ó texto da mesma.*
- *Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.*
- *Artigo 172 do ROFRXEL, que dispón que o xefe da Dependencia á que corresponda tramitar o expediente deberá emitir un informe, expoñendo os antecedentes e as disposicións legais ou regulamentarias en que funde o seu criterio.*
- *Bases 47ª e 48ª de execución do Orzamento provincial para 2020, sobre o control e a fiscalización da xestión económica, que sinalan a competencia da Intervención para realizar esta función.*



- *Artigo 24 da LXS que establece que as actividades de instrución comprenderán, entre outras, a petición de cantos informes se estime necesarios para resolver ou que sexan esixidos polas normas que regulan a subvención.*

#### *Procedencia do convenio*

- *Os convenios son acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas entre si ou con suxeitos de dereito privado para un fin común, tal como establecen os artigos 47 e seguintes da Lei 40/2015, de 1 de outubro, de réxime xurídico do Sector Público. Os convenios constitúen un instrumento adecuado para desenvolver a súa cooperación en cuestións de interese común, segundo resulta do contido do artigo 57 da Lei 7/1985, de 2 de abril e 198 e seguintes da Lei 5/1997, de 22 de xullo, de Administración Local de Galicia*

### CONCLUSIÓNS

*En base ás precedentes consideracións e ó interese público que representa esta actuación para o tecido empresarial e o desenvolvemento socioeconómico da provincia, a Deputación Provincial de Pontevedra e a Unión de Cooperativas EspazoCoop conveñen a súa colaboración nesta ámbito co obxecto de levar a cabo de forma coordinada actuacións do fomento de cooperativismo na provincia de Pontevedra.*

*Neste senso os convenios de colaboración constitúen o instrumento idóneo para canalizar esta colaboración.*

*A Unión de Cooperativas EspazoCoop presentou a documentación necesaria para formalizar este convenio e quedan acreditadas no expediente as razóns de oportunidade, a valoración económica derivada da cesión de uso e o propio obxecto do convenio.*

*Por todo o exposto e á vista dos antecedentes e fundamentos de dereitos aplicables, **INFORMO FAVORABLEMENTE** a tramitación do “CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A UNIÓN DE COOPERATIVAS ESPAZOCOOP PARA A PROMOCIÓN DA ECONOMÍA SOCIAL E COOPERATIVISMO ”*

#### RÉXIME COMPETENCIAL:

*Tal como recolle o Acordo regulador do Prezo Público polos servizos que se prestan nos viveiros de empresas de Barro e de Lalín, os premios, convenios e outras actuacións realizadas pola Deputación de Pontevedra poden supoñer un réxime excepcional que non estará suxeito á aplicación destes prezos públicos rexeranse polas súas propias normas que aproben a aplicación destas medidas ou actuacións excepcionais. Estes supostos deberán ser aprobados pola Xunta de Goberno.*

*Este informe non ten carácter vinculante, de feito que o órgano concedente co seu superior criterio decidirá.*



Á vista dos informes da xefa do Servizo de Cooperación, de Secretaría Xeral e da Intervención Provincial, sométese a ditame da Comisión Informativa de Cooperación Municipal, Cooperación Transfronteiriza e Cohesión Social, a seguinte proposta de acordo:

- APROBAR o “CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A UNIÓN DE COOPERATIVAS ESPAZOCOOP PARA A PROMOCIÓN DA ECONOMÍA SOCIAL E COOPERATIVISMO ” cuxo texto literalmente transcrito di como segue:

“CONVENIO DE COLABORACIÓN ENTRE A DEPUTACIÓN PROVINCIAL DE PONTEVEDRA E A UNIÓN DE COOPERATIVAS ESPAZOCOOP PARA A PROMOCIÓN DA ECONOMÍA SOCIAL E COOPERATIVISMO ”

No Pazo Provincial, na data da sinatura electrónica

#### INTERVEÑEN

Dunha parte, Dña. Carmela Silva Rego, na súa condición de Presidenta da Excm. Deputación Provincial de Pontevedra (en adiante a Deputación), con CIF P3600000H e domicilio social na Avda. Montero Ríos, s/n, 36071 de Pontevedra, actuando en virtude das competencias que lle atribúe o artigo 34.1.b) da Lei 7/1985, de 2 de abril, reguladora das bases de réxime local.

Do outro, dona Ana Olveira Blanco, maior de idade, con D.N.I. 52936224E, en calidade de Presidenta da Unión de Cooperativas EspazoCoop, con domicilio social na Rúa do Horreo, 104, Baixo Esquerda, CP 15701 de Santiago de Compostela, e C.I.F. G70506662.

E dando fe do acto, Carlos Cuadrado Romay, Secretario Xeral da Deputación de Pontevedra.

Todas as partes se recoñecen mutua e reciprocamente plena capacidade para o outorgamento do presente instrumento e, a tal efecto

#### EXPOÑEN

I.- Que a Unión de Cooperativas EspazoCoop (en diante ESPAZOCOOP), en calidade de organización representativa do cooperativismo en Galicia, ten competencias recoñecidas para o desenvolvemento, fomento e colaboración con outras institucións e entidades, públicas e privadas, para a fomento e promoción do cooperativismo, a economía social, e a formación e asesoramento de procesos de emprendemento cooperativo e de proxectos cooperativos, en Galicia.

II.- Segundo o disposto no artigo 36 da Lei 7/1985, reguladora das bases de réxime local (LRBRL), a Deputación de Pontevedra asume como competencia propia a cooperación no fomento do desenvolvemento económico e social e na planificación no territorio provincial de acordo coas competencias das outras Administracións Públicas neste ámbito.



*En cumprimento desta obriga a Deputación de Pontevedra, consciente da realidade económica e empresarial da provincia, fomenta o emprendemento e o desenvolvemento empresarial. Con esta finalidade a Deputación considera de interese o desenvolvemento e promoción do cooperativismo e a economía social e o apoio a iniciativas e actuacións dirixidas ao fomento do autoemprego e á creación de cooperativas.*

*A tal fin, acordan colaborar en iniciativas e proxectos que, desde a economía social, apoiem o tecido empresarial e contribúan ao desenvolvemento socioeconómico da provincia de Pontevedra.*

*Neste senso a Deputación dispón dun espazo de coworking no Viveiro de Lalín, a través do que se ofertan diversas actividades de formación e divulgación encamiñadas a dar visibilidade a oportunidades de negocio no territorio atendendo a criterios de desenvolvemento local, rural, social e sostible da comunidade.*

*III.- Que para artellar a colaboración entre as partes cara o fomento e a promoción da economía social e de iniciativas empresariais que contribúan ao desenvolvemento económico e sostible do territorio, prevese a fórmula do convenio como idónea para acadar os obxectivos propostos. Neste senso os convenios son acordos con efectos xurídicos adoptados polas Administracións Públicas, os organismos públicos e entidades de dereito público vinculados ou dependentes ou as Universidades públicas entre si ou con suxeitos de dereito privado para un fin común, tal como establecen os artigos 47 e os seguintes da Lei 40/2015, de 1 de outubro, de réxime xurídico do Sector Público. Os convenios constitúen un instrumento adecuado para desenvolver a súa cooperación en cuestións de interese común, segundo resulta do contido do artigo 57 da Lei 7/1985 de 2 de abril e 198 e seguintes da Lei 5/1997, de 22 de xullo, de Administración Local de Galicia*

*IV.- Que a Deputación de Pontevedra e Espazo Coop apostan decididamente pola colaboración co propósito de mellorar o cumprimento dos seus respectivos fins e funcións e, en especial, aqueles que fagan posible o fomento, a promoción e o desenvolvemento de proxectos empresariais baixo a fórmula de cooperativa incidindo en valores como a sustentabilidade e o desenvolvemento rural.*

*V.- Que a Xunta de Goberno da Deputación de Pontevedra, na sesión do 24 de novembro de 2017, previo ditame favorable da Comisión Informativa de Economía, Facenda e Réxime Interno, en virtude das facultades que lle confiren os artigos 41 a 47 e 148 e concordantes do Real decreto lexislativo 2/2004, de 5 de marzo, polo que se aproba o Texto refundido da Lei reguladora das facendas locais, da autorización prevista nos artigos 4 e 8 da Ordenanza xeral reguladora dos prezos públicos e do acordo de delegación do Pleno na Xunta de*



*Goberno para fixar e modificar os prezos públicos, aprobou unha modificación do acordo regulador do prezo público polos servizos que se prestan nos viveiros de empresas de Barro-Meis e de Lalín da Deputación de Pontevedra mediante a que se engadiu un segundo parágrafo ao seu artigo segundo titulado “Obxecto”, co seguinte contido literal: “Os premios, convenios e/ou outras actuacións realizadas pola Deputación de Pontevedra poden supoñer un réxime excepcional que non estará suxeito á aplicación destes prezos públicos e rexeranse polas súas propias normas que aproben a aplicación destas medidas ou actuacións excepcionais. Estes supostos deberán ser aprobados pola Xunta de Goberno, previo ditame da Comisión Informativa correspondente”. Dita modificación foi publicada no BOPPO núm. 23, do 05 de decembro de 2017.*

*VI.- Que de acordo coas precedentes consideracións e co fin de posibilitar a colaboración entre ambas as dúas entidades para a consecución real e efectiva de obxectivos de interese común como son o fomento, a promoción e o desenvolvemento de proxectos de economía social, especialmente no ámbito rural, ambas partes conveñen na concertación do presente convenio, con arranxo ás seguintes cláusulas:*

#### CLÁUSULAS

##### **PRIMEIRA.- OBXECTO**

*O presente convenio ten por obxecto definir a colaboración entre a Deputación e EspazoCoop para colaborar na promoción da economía social, o cooperativismo e o fomento do emprego, nos ámbitos de actuación de ambas entidades e de xeito máis específico, na comarca do Deza.*

##### **SEGUNDA.- OBRIGAS DA DEPUTACIÓN**

*A Deputación comprométese á cesión do uso do espazo coworking do Viveiro de empresas de Lalín para realizar actividades de información, asesoramento e formación encadradas no ámbito da economía social. A dita cesión do uso non estará suxeita á aplicación dos prezos públicos e rexerá polo disposto neste convenio, que deberá aprobar a Xunta de Goberno provincial previo ditame da Comisión Informativa correspondente. Asemade comprométese a realizar as seguintes actuacións:*

- a) Divulgar, promocionar e difundir a través dos seus cauces habituais (redes sociais, páxina web, e-mail corporativo...) das actuacións que EspazoCoop leve a cabo desde o espazo coworking do Viveiro de empresas de Lalín.*
- b) Dar a coñecer a fórmula do cooperativismo nas actuacións de orientación e información sobre fórmulas empresariais así como naquelas outras de apoio e mentorización de*



*proxectos empresariais.*

- c) Incorporar nas charlas informativas sobre potencialidades de emprendemento, contidos sobre a constitución e o funcionamento das cooperativas, como unha fórmula para emprender.*
- d) Ter como referente a EspazoCoop en materia de cooperativismo de cara a reforzar procesos formativos e de fomento do cooperativismo, así como realizar unha atención e asesoría especializada a viveiristas e potenciais viveiristas.*
- e) Contribuír á difusión e dinamización deste convenio, para unha correcta implementación e aproveitamento do mesmo.*
- f) Calquera outra actividade, que na liña das anteriores e como complemento das mesmas, puidese contribuír á mellora do tecido empresarial do territorio.*

#### **TERCEIRA.- OBRIGAS DE ESPAZOCOOP**

*EspazoCoop proporá a Deputación, dentro das recollidas na súa programación para o ano 2022, aquelas actuacións que considere que son de interese para a Comarca do Deza e susceptibles de ser executadas desde o espazo coworking do Viveiro de empresas de Lalín coa finalidade de que ambas entidades acorden en que actuacións concretas van a colaborar.*

*Para cada actuación realizada no marco deste convenio, EspazoCoop deberá solicitar o uso con carácter previo, con indicación das datas previstas, contido da actividade e número de asistentes previstos e/ou calquera outro aspecto relevante. Esta solicitude específica deberá ser autorizada pola Deputación de Pontevedra.*

*A dispoñibilidade do espazo estará condicionada ás demandas de ocupación de espazos polos viveiristas .*

*A utilización do espazo deberá adecuarse ós usos permitidos do viveiro de conformidade ás normas de funcionamento internas dos viveiros, debendo autorizar a Deputación, no seu caso, calquera outro uso.*

*EspazoCoop deberá responder polo uso que se faga das instalacións do viveiro Lalín tanto polo seu persoal como por aqueles que actúen baixo a súa dependencia ou en virtude da súa relación con eles, no marco do presente convenio e ás normas internas de funcionamento do viveiro, polo que responderá en primeira instancia do uso que faga das instalacións, do que poderá derivarse a esixencia de responsabilidades*





*Asemade comprométese a achegar os recursos materiais, técnicos e humanos dependentes da súa organización, e a realizar as seguintes actuacións:*

- a) Realizar actividades de información, asesoramento e formación, que vaian encamiñadas á mellora da cualificación profesional e empresarial daquelas persoas que opten por autoempregarse a través dun proxecto empresarial baixo a fórmula de Cooperativa de traballo.*
- b) Atender individualmente ás persoas que así o soliciten, coa finalidade de orientalas e informalas sobre a fórmula empresarial cooperativa de traballo e fomentar o autoemprego, con especial atención aos colectivos con dificultades de acceso ao mundo laboral ou en situacións de risco de exclusión social.*
- c) Realizar charlas informativas sobre o Cooperativismo en particular e a Economía Social en xeral, para mostrar ás persoas destinatarias aqueles coñecementos concretos e necesarios sobre a constitución, funcionamento e organización deste tipo de empresas.*
- d) Impartir sesións de orientación dirixidas a persoas interesadas na creación e posta en marcha da súa propia empresa, baixo a fórmula cooperativa, co fin de acceder ao mercado laboral ou mellorar as súas condicións nel.*
- e) Contribuír á difusión e dinamización deste convenio, para unha correcta implementación e aproveitamento do mesmo*
- f) Calquera outra actividade, que na liña das anteriores e como complemento das mesmas, puidese contribuír a unha efectiva inserción no mundo laboral de calquera persoa, en Galicia.*

#### **CUARTA.- COMISIÓN DE SEGUIMIENTO, VIXILANCIA E CONTROL**

*Para o seguimento, coordinación, vixilancia e control da execución do obxecto deste convenio, así como a resolución de dúbidas e resolución de conflitos que poidan producirse na súa interpretación, creárase unha comisión integrada por dous representantes de cada unha das partes, un dos cales terá carácter técnico, e sen prexuízo de que poida solicitarse, de mutuo acordo, a presenza puntual doutros membros e/ou asesores.*

*Corresponderá á Comisión de Seguimento:*

- A puntual recepción de información sobre todas as actuacións que se produzan na execución do obxecto do convenio.*



- *A coordinación entre as partes asinantes na execución das actuacións obxecto do convenio, ditando ao efecto as instrucións oportunas*
- *A resolución das dúbidas que presente a interpretación do convenio e, no seu caso, a emisión de informe se a dúbida ten que ser resolta polos órganos de goberno das partes asinantes.*
- *A emisión de informe en relación coa necesidade do reaxustar ou modificar as actuacións que se estean realizando no marco do convenio e en relación con cantas incidencias se produzan na súa execución.*
- *A formulación das propostas que procedan en relación ás cuestións a que os seus informes se refiran.*
- *Propoñer, de mutuo acordo, a prórroga deste convenio.*

*A Comisión de Seguimento reunirse cando o estime conveniente o seu responsable, por decisión propia ou a petición de calquera dos seus membros. As súas reunións terán lugar no Pazo Provincial da Deputación de Pontevedra, salvo que se acorde a súa celebración noutro lugar. Na reunión constituínte da Comisión de Seguimento designarase ao seu responsable e ao seu secretario que levantará acta das súas reunións. En defecto de acordo a Presidenta da Deputación sinalará o responsable da Comisión, que actuará en calidade de presidente.*

#### **QUINTA.- VIXENCIA**

*O presente convenio entrará en vigor ao día seguinte da súa sinatura e terá unha vixencia inicial ata o 31 de decembro de 2022, se ben as partes poderán acordar de mutuo acordo a prórroga, anualmente, por un máximo de dous anos máis, ata cumprir un total de tres, e previa solicitude por escrito -antes do 1 de novembro do ano do vencemento – de EspazoCoop, que deberá ser ratificada pola Comisión de Seguimento e aprobada polo órgano competente da Deputación de Pontevedra.*

#### **SEXTA.- RÉXIME DE MODIFICACIÓN DO CONVENIO**

*A modificación das cláusulas deste convenio deberá estar debidamente xustificada presentándose de forma inmediata á aparición das circunstancias que a motiven e con antelación á finalización do prazo de execución inicialmente concedido, recibir a avaliación positiva da Comisión de Seguimento, Vixilancia e Control e deberá aprobarse polos órganos competentes de ambas partes*

#### **SÉTIMA.- EXTINCIÓN E CONSECUENCIAS DO INCUMPRIMENTO**



*Este convenio extinguirase polo cumprimento das actuacións que constitúen o seu obxecto ou por incorrer en causas de resolución.*

*As causas de resolución serán:*

- *O transcurso do prazo de vixencia do convenio sen que se acordara a súa prórroga*
- *O mutuo acordo das partes asinantes*
- *O incumprimento das obrigas e compromisos asumidos por algunha das partes asinantes.*
- *Por decisión xudicial declaratoria da nulidade do convenio.*
- *Por calquera outra causa que faga inviable a continuación das actuacións obxecto deste convenio, previa comunicación e tratamento pola Comisión de Seguimento, Vixilancia e Control.*
- *Por calquera outra causa distinta das anteriores prevista no convenio, nas normas de funcionamento interno dos viveiros da Deputación ou noutras leis.*

*O incumprimento e a resolución deste convenio poderá dar lugar á súa liquidación ao obxecto de determinar as obrigas e compromisos de cada unha das partes e as súas responsabilidades, no seu caso, que se dilucidarán, en primeira instancia, pola Comisión de Seguimento, Vixilancia e Control.*

#### **OITAVA.- RÉXIME XURÍDICO**

*O presente convenio ten natureza administrativa e rexerese pola Lei 40/2015, de 1 de outubro, de Réxime Xurídico do sector Público; a lexislación básica do Estado en materia de réxime local; polos pactos que se conteñen neste convenio e as normas de funcionamento interno dos viveiros de empresas da Deputación de Pontevedra; as Bases de Execución dos orzamentos das Entidades asinantes e as restantes normas de dereito administrativo, e no seu defecto, as normas de dereito privado.*

*Así mesmo, a falta de entendemento previo pola Comisión de seguimento e control, as partes quedan sometidas á xurisdición contencioso- administrativa na resolución de posibles controversias que puideran suscitar o incumprimento ou a interpretación do convenio.*

*E en proba de canto antecede, as partes que interveñen asinan o presente convenio por duplicado e a un só efecto no lugar e na data sinalados no seu encabezamento.*



*A Presidenta do EspazoCoop  
Asdo.- Ana Oliveira Blanco*

*A Presidenta da Deputación de Pontevedra  
Asdo.- M<sup>a</sup> Carmen Silva Rego*

*O Secretario Xeral da Deputación de Pontevedra*

*Asdo.- Carlos Cuadrado Romay.”*

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por unanimidade, cos votos a favor dos deputados do Grupo Provincial do PSdeG-PSOE (8), do Grupo Provincial do BNG (2), e do Grupo Provincial do Partido Popular (7), a proposta de acordo indicada “ut supra”.

**3.- DITAMINAR A PRESTACIÓN DE CONFORMIDADE AO PROXECTO REFORMULADO PRESENTADO POLO CONCELLO DE SALVATERRA DE MIÑO DA ACTUACIÓN “HUMANIZACIÓN DA RÚA MARQUÉS DE VIANA”, AO ABEIRO DO PROGRAMA REACPON (REACCIONA PONTEVEDRA PROVINCIA) (expediente 2021039100)**

Sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte proposta de acordo, de conformidade co establecido nos artigos 123 a 126 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais, con carácter previo á súa elevación ante o Pleno para a súa aprobación:

“ASUNTO: PRESTAR CONFORMIDADE AO PROXECTO REFORMULADO PRESENTADO POLO CONCELLO DE SALVATERRA DE MIÑO DA ACTUACIÓN “HUMANIZACIÓN DA RÚA MARQUÉS DE VIANA”, AO ABEIRO DO PROGRAMA REACPON (REACCIONA PONTEVEDRA PROVINCIA) (EXPTE. 2021039100)

**ANTECEDENTES**

O Pleno da Corporación Provincial, mediante o acordo núm. 4.7719 adoptado na sesión extraordinaria do 17/12/2021, concedeu unha subvención polo procedemento de concorrencia competitiva ao Concello de Salvaterra de Miño con destino á execución da actuación denominada "Humanización da rúa Marqués de Viana", segundo o proxecto redactado no mes de xullo de 2021, ao abeiro do Programa provincial de infraestruturas e dotacións singulares para a recuperación post-Covid-19 - Programa ReacPon (Reacciona Pontevedra Provincia) (expte. 2021025615).

A dita concesión quedou condicionada á obtención das autorizacións sectoriais de Patrimonio Cultural (Xunta de Galicia) e do Ministerio de Transportes, Mobilidade e Axenda Urbana.

O orzamento do investimento ascendía a 586.867,68€ e a subvención concedida a



498.000,00€, completándose o financiamento mediante unha achega municipal por importe de 88.867,68€.

De acordo co previsto na base reguladora 7ª.2.h) do Programa ReacPon, mediante a resolución presidencial núm. 2022000333 de 20/01/2022 aprobouse o correspondente convenio de colaboración co fin de definir as actuacións obxecto de subvención e concretar de xeito pormenorizado as obrigas das partes, o cal se asinou o día 31/01/2022.

En data 27/01/2022 o concello presenta no Rexistro da Deputación (núms. rexistro WEB2022002947, WEB2022002949, WEB2022002952 e WEB2022002953), emendado o día 03/02/2022 (núms. rexistro WEB2022004163, WEB2022004165, WEB2022004167, WEB2022004194 e WEB2022004196), un proxecto reformulado, redactado en decembro de 2021, que mantén invariable o orzamento inicial, e o acordo de aprobación do dito proxecto pola Xunta de Goberno Local.

O día 31/01/2022 o concello presenta no Rexistro da Deputación (núms. rexistro WEB2022003347, WEB2022003379 e WEB2022003400) a resolución desfavorable de Patrimonio Cultural de 04/10/2021, na que se requiría a presentación dun novo proxecto, a posterior resolución favorable de 20/12/2021 pola que se autoriza o proxecto reformulado presentado, e unha resolución de 21/12/2021 de corrección de erros da dita resolución favorable.

Examinado o proxecto pola Comisión de persoas expertas do Programa ReacPon na data 02/02/2022, acórdase que procede dar conformidade ao proxecto presentado tendo en conta que os cambios introducidos non afectan aos criterios de valoración fixados nas bases da convocatoria do Programa ReacPon e, polo tanto, a puntuación obtida non se modifica, manténdose invariables as contías das subvencións concedidas.

En data 14/02/2022 emítese informe favorable, asinado polo enxeñeiro Xefe do Servizo de Cooperación xunto aos demais membros da Comisión de Expertos do Programa REACPON, sinalando, entre outras consideracións, “que os cambios introducidos dan resposta á esixencia da Xefatura Territorial da Consellería de Cultura, Educación e Universidade de redacción dun modificado, debido ao tratamento que o proxecto orixinal fai da zona axardinada existente fronte á fortaleza e as canalizacións dos servizos urbanos nela”, que “de acordo as condicións impostas pola Xefatura Territorial da Consellería de Cultura, Educación e Universidade, as actuacións propostas no modificado para a zona axardinada conservan o ámbito orixinal...”, que “tendo en conta que a superficie da zona de usos peonís non se modifica, nin cambian os aspectos técnicos, o grao de madurez, os obxectivos propostos da axenda 2030, as políticas panca afectadas nin os principios Ágora que o proxecto promove; mantéñense os criterios de valoración fixados nas bases da convocatoria e polo tanto a puntuación obtida non se modifica”. Ademais, tamén engade “que estes cambios non modifican o orzamento de licitación”, o 15/02/2022 o enxeñeiro de camiños, canais e portos adscrito a Intervención emite informe considerando que os cambios introducidos no proxecto non modifican a puntuación obtida na baremación de acordo ós criterios de valoración fixados nas bases da convocatoria, e o 15/02/2022 a Intervención provincial emitiu informe de fiscalización favorable do expediente.

Sométese, así mesmo, ao ditame da Comisión Informativa de Cooperación cos Municipios, Cooperación Transfronteiriza e Cohesión Social.



## FUNDAMENTOS DE DEREITO

### Réxime xurídico

Lei 38/2003, de 17 de novembro, Xeral de Subvencións (LXS), e o seu Regulamento aprobado por Real Decreto 887/2006, de 21 de xullo (RLXS)

Lei 9/2007, de 13 de xuño, de Subvencións de Galicia (LSG), e o seu Regulamento aprobado por Decreto 11/2009, de 8 de xaneiro (RLSG)

Lei 7/1985, de 2 de abril, Reguladora das Bases do Réxime Local (LRBRL)

Lei 39/2015, de 1 de outubro, do Procedemento Administrativo Común das Administracións Públicas (LPACAP)

Lei 40/2015, de 1 de outubro, de Réxime Xurídico do Sector Público (LRXSP).

Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRXEL)

Real Decreto Legislativo 781/1986, de 18 de abril, polo que se aproba o texto refundido das disposicións legais vixentes en materia de Réxime Local (TRRL)

Real Decreto Legislativo 2/2004, de 5 de marzo, polo que se aproba o Texto Refundido da Lei reguladora das Facendas locais (TRLRFL)

Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)

Ordenanza Xeral de Subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30 de decembro de 2016 (OXSDEPO)

Bases de execución do orzamento da Deputación para o exercicio 2022

Bases reguladoras e convocatoria do Programa Provincial de Infraestruturas e Dotacións Singulares para a Recuperación post-Covid-19 – Programa ReacPon (Reacciona Pontevedra Provincia)

### Consideracións xurídicas

- Instrución do expediente

Base reguladora 7ª da convocatoria, pola que a instrución do procedemento correspóndelle á xefa do Servizo de Cooperación.

Petición e evacuación de informes

Artigos 79 e 80 da LPACAP, sobre a petición e a evacuación de informes.

Artigo 88.6 da LPACAP, que sinala que a aceptación de informes ou ditames servirá de motivación á resolución cando se incorporen ao texto da mesma.

Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.

Bases 47ª e 48ª de execución do vixente orzamento provincial, sobre o control e a fiscalización da xestión económica, que sinala a competencia da Intervención para realizar esta función.

Resolución do expediente



Artigo 2 da LSG, en concordancia co artigo 2 da LXS, que na definición de subvención vincula a disposición dineraria entre outros requisitos, a que a entrega estea suxeita ao cumprimento dun determinado obxectivo, a execución dun proxecto, a realización dunha actividade, ou a adopción dun comportamento singular, xa realizados ou por desenvolver, debendo o beneficiario cumprir as obrigacións materiais e formais que se estableceran.

Artigo 11.a) da LSG, en concordancia co artigo 14.1.a) da LXS, que establece como obriga do beneficiario cumprir o obxectivo ou executar o proxecto que fundamenta a concesión da subvención.

Artigo 64 do RLXS que dispón que unha vez recaído un acordo ou resolución de concesión pódese solicitar unha modificación do seu contido, de acordo co disposto nas bases reguladoras da subvención, e sempre e cando non se prexudique dereitos de terceiros e se solicite antes de que conclúa o prazo para a realización da actividade.

Artigo 16 da Ordenanza Xeral, respecto da modificación da resolución de concesión, pola que salvo que nas bases reguladoras, resolución de aprobación da convocatoria ou de concesión se estableza o contrario, o beneficiario poderá solicitar a súa modificación, non debendo variarse o destino ou finalidade da subvención. En concorrencia competitiva a modificación só será posible no caso de que non altere a puntuación obtida pola persoa beneficiaria por aplicación dos criterios de concesión.

Artigo 205 da LCSP, que recolle os supostos de modificacións non previstas nos pregos de cláusulas administrativas, así como os límites na alteración das súas contías.

Artigo 242.4 da LCSP, polo que de considerarse necesaria unha modificación do proxecto procederase á súa redacción e aprobación polo órgano de contratación.

Disposición Xeral 17ª das Bases Reguladoras do Programa ReacPon, segundo a cal, se xurdise a necesidade de modificar o proxecto, o concello deberá redactar e xestionar administrativamente, de acordo co establecido na normativa de contratos, a modificación do proxecto, que deberá ser aprobada polo órgano competente do concello. Tras a aprobación polo concello, a Deputación supervisará a modificación e, de ser o caso, dará a súa aprobación, sen a cal non será posible o pago da subvención.

#### Competencia para resolver

A competencia lle corresponde ao Pleno da Deputación, de acordo coa Base 16ª de execución dos orzamentos da Deputación para o ano 2022, en virtude do artigo 33 da LRRL, 185 do TRLRFL, 117 e concordantes do TRRL, 61 do ROFRXEL, e da Disposición Adicional 2ª da LCSP.

Artigo 8.2 da OXSDEPO, que de conformidade co disposto no artigo 33 da LRRL, artigo 10 da LXS e base 16ª de execución dos orzamentos da Deputación para o ano 2022, atribúe a competencia para resolver ao Pleno.

#### CONCLUSIÓNS

O proxecto reformulado presentado polo concello (aprobado pola Xunta de Goberno local de data 20 de xaneiro de 2022), redactado no mes de decembro de 2021, e que conta coa correspondente autorización de Patrimonio Cultural, non altera nin a finalidade nin o obxecto para o que se outorga a axuda económica da Deputación. O proxecto non necesita novas autorizacións sectoriais.



O orzamento de licitación do novo proxecto correspóndese co orzamento do proxecto inicial, manténdose invariable o importe da subvención concedida.

O enxeñeiro xefe do Servizo de Cooperación e demais membros da Comisión de Expertos informaron favorablemente a supervisión do proxecto, poñendo de manifesto que os cambios introducidos non afectan aos criterios de valoración fixados na base da convocatoria e polo tanto a puntuación obtida non se modifica.

O proxecto preséntase antes de que remate o prazo de execución das obras acollidas no Programa ReacPon e co mesmo non se prexudican intereses de terceiros, nin se alteran as circunstancias que se tiveron en conta para a concesión da subvención. En consecuencia, non se prexudican os principios de igualdade, obxectividade e non discriminación, que deben rexer os procedementos de concesión de subvencións, e en particular no sistema de concorrencia competitiva.

Por todo o exposto, e á vista dos antecedentes e fundamentos de dereito sinalados, a acta da sesión da Comisión de persoas expertas de 02/02/2022 (CSV: JIDVAVJRKDJVVALS), o informe do enxeñeiro xefe do Servizo de Cooperación e demais membros da Comisión de Expertos (CSV: FRZR4XPNGYEPK0), o informe da xefa do Servizo de Cooperación de 15/02/2022 (CSV: H6E66BDO1T2RFV81), o informe do enxeñeiro de camiños, canais e portos adscrito a Intervención (CSV: FKZYM9GIRD3MPX8Z), e o informe de Intervención de 15/02/2022 (CSV: 18N46VXYR9OFMTJ7), sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte PROPOSTA DE ACORDO:

- PRESTAR CONFORMIDADE ao proxecto reformulado presentado polo Concello de Salvaterra de Miño da actuación “Humanización da rúa Marqués de Viana”, ao abeiro do Programa ReacPon (Reacciona Pontevedra Provincia).
- DARLLE TRASLADO do presente acordo ao Concello de Salvaterra de Miño, a Intervención, ao Servizo de Cooperación e ao Gabinete de Presidencia.”

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por unanimidade, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e do Grupo Provincial do Partido Popular (7).

**4.- DITAMINAR A PRESTACIÓN DE CONFORMIDADE AO PROXECTO REFORMULADO PRESENTADO POLO CONCELLO DA GUARDA DA ACTUACIÓN “EXECUCIÓN DE REFORMA E AMPLIACIÓN DO PAVILLÓN POLIDEPORTIVO DA SANGRIÑA”, AO ABEIRO DO PROGRAMA REACPON (REACCIONA PONTEVEDRA PROVINCIA) (expediente 2021040003)**

Sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte proposta de acordo, de conformidade co establecido nos artigos 123 a 126 do Real Decreto 2568/1986, do 28 de novembro, polo que





se aproba o Regulamento de organización, funcionamento e réxime xurídico das Entidades Locais, con carácter previo á súa elevación ante o Pleno para a súa aprobación:

“ASUNTO: PRESTAR CONFORMIDADE AO PROXECTO REFORMULADO PRESENTADO POLO CONCELLO DA GUARDA DA ACTUACIÓN “EXECUCIÓN DE REFORMA E AMPLIACIÓN DO PAVILLÓN POLIDEPORTIVO DA SANGRIÑA”, AO ABEIRO DO PROGRAMA REACPON (REACCIONA PONTEVEDRA PROVINCIA) (EXPT. 2021040003)

#### ANTECEDENTES

O Pleno da Corporación Provincial, mediante o acordo núm. 4.7719 adoptado na sesión extraordinaria do día 17/12/2021, concedeu unha subvención polo procedemento de concorrencia competitiva ao Concello da Guarda con destino á execución da actuación denominada “EXECUCIÓN DE REFORMA E AMPLIACIÓN DO PAVILLÓN POLIDEPORTIVO DA SANGRIÑA”, ao abeiro do Programa ReacPon (Reacciona Pontevedra Provincia) (expte. 2021025615).

O orzamento do investimento ascendía a 1.674.023,95€ e a subvención concedida a 609.672,74€, completándose o financiamento mediante unha achega municipal por importe de 1.064.351,21€.

En data 04/01/2022, e posteriormente emendado o 11/01/2022, o concello presenta no Rexistro da Deputación (núms. Rexistro WEB2022000303 e WEB2022000865) un proxecto reformulado do proxecto inicial no que o orzamento aumenta 196.643,58€ (11,75%) ata o importe de 1.870.667,53€.

En data 20/01/2022 o concello presenta no Rexistro da Deputación (núm. de Rexistro WEB2022002040) o acordo plenario de aprobación do dito proxecto. Ese mesmo día, e posteriormente emendado o 24/01/2022, o concello presenta (núms. de Rexistro WEB2022002146 e WEB2022002393) o compromiso de cofinanciamento do aumento do orzamento, polo que a achega municipal increméntase ata 1.260.994,79€ ao manterse invariable a subvención concedida.

En data 02/02/2022 ten lugar a sesión da Comisión de Persoas Expertas do Programa REACPON, ao terse devolto o expediente pola Intervención Provincial en data 26/01/2022, chegando a referida Comisión, tralo exame da documentación presentada, a conclusión de que os cambios introducidos non afectan aos criterios de valoración fixados nas Bases da convocatoria do programa reitor, polo tanto, conclúe que as puntuacións obtidas non se modifican, manténdose invariables as contías das subvencións concedidas.

En data 07/02/2022 emítese informe favorable, asinado polo enxeñeiro Xefe do Servizo de Cooperación xunto aos demais membros da Comisión de Expertos do Programa REACPON, sinalando que os cambios introducidos no proxecto “non afectan aos aspectos técnicos, aos obxectivos da Axenda 2030 nin as políticas Panca; non afectan á porcentaxe de aforro enerxético; non afectan ás autorizacións sectoriais obtidas para o proxecto orixinal, manténdose o grado de madurez; e polo tanto, mantense a puntuación obtida na baremación de acordo ós criterios de valoración fixados nas bases da convocatoria”. Ademais, tamén engade que o orzamento de licitación se incrementa nun 11,75%, o cal será financiado na súa totalidade polo Concello da Guarda, o



14/02/2022 o enxeñeiro de camiños, canais e portos adscrito a Intervención emite informe no que considera que “os cambios introducidos no proxecto non modifican a puntuación obtida na baremación de acordo ós criterios de valoración fixados nas bases da convocatoria” e o 14/02/2022 a Intervención provincial informou favorablemente a modificación do acordo de concesión por cambio de proxecto do investimento obxecto de subvención.

Sométese, así mesmo, ao ditame da Comisión Informativa de Cooperación cos Municipios, Cooperación Transfronteiriza e Cohesión Social.

## FUNDAMENTOS DE DEREITO

### Réxime xurídico

Lei 38/2003, de 17 de novembro, Xeral de Subvencións (LXS), e o seu Regulamento aprobado por Real Decreto 887/2006, de 21 de xullo (RLXS)

Lei 9/2007, de 13 de xuño, de Subvencións de Galicia (LSG), e o seu Regulamento aprobado por Decreto 11/2009, de 8 de xaneiro (RLSG)

Lei 7/1985, de 2 de abril, Reguladora das Bases do Réxime Local (LRBRL)

Lei 39/2015, de 1 de outubro, do Procedemento Administrativo Común das Administracións Públicas (LPACAP)

Lei 40/2015, de 1 de outubro, de Réxime Xurídico do Sector Público (LRXSP).

Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRXEL)

Real Decreto Legislativo 781/1986, de 18 de abril, polo que se aproba o texto refundido das disposicións legais vixentes en materia de Réxime Local (TRRL)

Real Decreto Legislativo 2/2004, de 5 de marzo, polo que se aproba o Texto Refundido da Lei reguladora das Facendas locais (TRLRFL)

Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)

Ordenanza Xeral de Subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30 de decembro de 2016 (OXSDEPO)

Bases de execución do orzamento da Deputación para o exercicio 2022

Bases reguladoras e convocatoria do Programa Provincial de Infraestruturas e Dotacións Singulares para a Recuperación post-Covid-19 – Programa ReacPon (Reacciona Pontevedra Provincia)

### Consideracións xurídicas

- Instrución do expediente

Base reguladora 7ª da convocatoria, pola que a instrución do procedemento correspóndelle á xefa do Servizo de Cooperación.

Petición e evacuación de informes

Artigos 79 e 80 da LPACAP, sobre a petición e a evacuación de informes.



Artigo 88.6 da LPACAP, que sinala que a aceptación de informes ou ditames servirá de motivación á resolución cando se incorporen ao texto da mesma.

Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.

Bases 47ª e 48ª de execución do vixente orzamento provincial, sobre o control e a fiscalización da xestión económica, que sinala a competencia da Intervención para realizar esta función.

#### Resolución do expediente

Artigo 2 da LSG, en concordancia co artigo 2 da LXS, que na definición de subvención vincula a disposición dineraria entre outros requisitos, a que a entrega estea suxeita ao cumprimento dun determinado obxectivo, a execución dun proxecto, a realización dunha actividade, ou a adopción dun comportamento singular, xa realizados ou por desenvolver, debendo o beneficiario cumprir as obrigacións materiais e formais que se estableceran.

Artigo 11.a) da LSG, en concordancia co artigo 14.1.a) da LXS, que establece como obriga do beneficiario cumprir o obxectivo ou executar o proxecto que fundamenta a concesión da subvención.

Artigo 64 do RLXS que dispón que unha vez recaído un acordo ou resolución de concesión pódese solicitar unha modificación do seu contido, de acordo co disposto nas bases reguladoras da subvención, e sempre e cando non se prexudique dereitos de terceiros e se solicite antes de que conclúa o prazo para a realización da actividade.

Artigo 16 da Ordenanza Xeral, respecto da modificación da resolución de concesión, pola que salvo que nas bases reguladoras, resolución de aprobación da convocatoria ou de concesión se estableza o contrario, o beneficiario poderá solicitar a súa modificación, non debendo variarse o destino ou finalidade da subvención. En concorrencia competitiva a modificación só será posible no caso de que non altere a puntuación obtida pola persoa beneficiaria por aplicación dos criterios de concesión.

Artigo 205 da LCSP, que recolle os supostos de modificacións non previstas nos pregos de cláusulas administrativas, así como os límites na alteración das súas contías.

Artigo 242.4 da LCSP, polo que de considerarse necesaria unha modificación do proxecto procederase á súa redacción e aprobación polo órgano de contratación.

Disposición Xeral 17ª das Bases Reguladoras do Programa ReacPon, segundo a cal, se xurdise a necesidade de modificar o proxecto, o concello deberá redactar e xestionar administrativamente, de acordo co establecido na normativa de contratos, a modificación do proxecto, que deberá ser aprobada polo órgano competente do concello. Tras a aprobación polo concello, a Deputación supervisará a modificación e, de ser o caso, dará a súa aprobación, sen a cal non será posible o pago da subvención. Segundo a dita Disposición, a revisión de prezos, cando supoña un incremento dos custos, correrá a cargo do concello.

#### Competencia para resolver

A competencia lle corresponde ao Pleno da Deputación, de acordo coa Base 16ª de



execución dos orzamentos da Deputación para o ano 2022, en virtude do artigo 33 da LRBRL, 185 do TRLRFL, 117 e concordantes do TRRL, e 61 do ROFRXEL, e da Disposición Adicional 2ª da LCSP.

Artigo 8.2 da OXSDEPO, que de conformidade co disposto no artigo 33 da LRBRL, artigo 10 da LXS e base 16ª de execución dos orzamentos da Deputación para o ano 2022, atribúe a competencia para resolver ao Pleno.

## CONCLUSIÓNS

O proxecto reformulado presentado polo concello (aprobado polo Pleno da corporación municipal de data 19 de xaneiro de 2022) non altera nin a finalidade nin o obxecto para o que se outorga a axuda económica da Deputación.

O enxeñeiro xefe do Servizo de Cooperación e demais membros da Comisión de Expertos informaron favorablemente a supervisión do proxecto reformulado, poñendo de manifesto que os cambios introducidos non afectan aos criterios de valoración e a puntuación en base aos que se concedeu a axuda.

O concello asume o compromiso de cofinanciamento do aumento do orzamento do investimento (196.643,58€), incrementándose a achega municipal ata 1.260.994,79€ e manténdose invariable o importe da subvención concedida inicialmente, conforme ao seguinte detalle:

Subvención Inicial		Subvención Definitiva	
Importe orzamento:	1.674.023,95 €	Importe orzamento:	1.870.667,53 €
Importe Subvención:	609.672,74 €	Importe Subvención:	609.672,74 €
Importe Cofinanciado:	1.064.351,21 €	Importe Cofinanciado:	1.260.994,79 €
% Subvención/orzamento:	36,42%	% Subvención/orzamento:	32,59%

O proxecto preséntase antes de que remate o prazo de execución das obras acollidas no Programa ReacPon e co mesmo non se prexudican intereses de terceiros, nin se alteran as circunstancias que se tiveron en conta para a concesión da subvención. En consecuencia, non se prexudican os principios de igualdade, obxectividade e non discriminación, que deben rexer os procedementos de concesión de subvencións, e en particular no sistema de concorrencia competitiva.

Por todo o exposto, e á vista dos antecedentes e fundamentos de dereito sinalados, a acta da sesión da Comisión de persoas expertas de 02/02/2022 (CSV: 0S7G8USSNSB3Q6E4), o informe do enxeñeiro xefe do Servizo de Cooperación e demais membros da Comisión de Expertos (CSV: 17YD2EYHCGR8Z41J), o informe da xefa do Servizo de Cooperación de 08/02/2022 (CSV: TRU89ZANQ4IO8GOL), o informe do enxeñeiro de camiños, canais e



portos adscrito a Intervención (CSV: ZMHWAQRNUN6BG14) e o informe de Intervención de 14/02/2022 (CSV: IPZVGNOKH6U2DCXT), sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte PROPOSTA DE ACORDO:

- PRESTAR CONFORMIDADE ao proxecto reformulado presentado polo Concello da Guarda da actuación “EXECUCIÓN DE REFORMA E AMPLIACIÓN DO PAVILLÓN POLIDEPORTIVO DA SANGRIÑA”, ao abeiro do Programa ReacPon (Reacciona Pontevedra Provincia).
- DARLLE TRASLADO do presente acordo ao Concello da Guarda, a Intervención, ao Servizo de Cooperación e ao Gabinete de Presidencia.”

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por unanimidade, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e do Grupo Provincial do Partido Popular (7).

---

Antes de tratar os asuntos da orde do día recollidos nos puntos número 5, 6 e 7, o Grupo Provincial do Partido Popular solicita, a través do seu voceiro, que estes asuntos queden sobre a mesa, non obstante, sometida a votación a proposta, quedou rexeitada cos votos en contra dos/as deputados/as do Grupo Provincial do PSdeG-PSOE (8) e do Grupo Provincial do BNG (2), e a favor do Grupo Provincial do Partido Popular (7).

---

#### **5.- DITAMINAR A RESOLUCIÓN DO RECURSO DE REPOSICION INTERPOSTO POLO CONCELLO DE RIBADUMIA A SÚA EXCLUSIÓN DO PROGRAMA REACPON (REACCIONA PONTEVEDRA PROVINCIA) (expediente 2021040014)**

Sométese ao ditame da comisión Informativa de Cooperación Informativa de Cooperación Municipal, Cooperación Transfronteiriza e Cohesión Social a seguinte proposta de resolución do recurso de reposición interposto polo concello de Ribadumia contra a súa exclusión do Programa REACPON, de conformidade co establecido nos artigos 123 e 126 do R.D. 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, con carácter previo á súa elevación ante o órgano competente para a súa aprobación:

**“ASUNTO: RESOLUCION DO RECURSO DE REPOSICIÓN INTERPOSTO POLO CONCELLO DE RIBADUMIA CONTRA A SÚA EXCLUSIÓN DO PROGRAMA REACPON (Reacciona Pontevedra Provincia)- Expediente 2021040014**



## ANTECEDENTES

1.- Mediante rexistro web2022001594 de data 17/01/2022 o Concello de Ribadumia presentou escrito de recurso de reposición contra o Acordo nº 4.7719 do Pleno da Deputación Provincial da sesión extraordinaria de 17 de decembro de 2021 no que se acordaba, entre outros extremos, a exclusión do referido Concello en atención a *“Non dispoñer da titularidade dos terreos ou dun dereito de uso ou cesión sobre estes que teña unha duración indefinida, xa que a actuación que se pretende realizar afecta a un viario de titularidade provincial (apartado 1 da base 6ª)”*

2.- O peticionario solicita que se adopte unha nova resolución pola que se acorde a revogación da exclusión da súa solicite, deixándoa nula e sen efecto neste aspecto, e en consecuencia se acorde a súa aprobación e entrega da subvención solicitada.

3.- Acompañaba ao escrito do recurso de reposición un informe do Arquitecto municipal no que indica que *“Respecto do estado actual e do uso que o concello ven realizando nos últimos anos sobre a estrada EP-9506, pode indicarse o seguinte:*

- *Que o concello é o organismo que se encarga da realización de labores periódicas de limpeza e mantemento das beirarrúas e zona de aparcadoiro (e incluso de ser necesario de maneira puntual, na limpeza da calzada), dada a necesidade de limpeza inherente a unha rúa que se atopa na contorna do centro escolar de referencia do municipio e dunha instalación deportiva municipal de uso distinto.*
- *Que o concello conta con redes de instalación municipais de servizo na vía (servizo de alumado público, saneamento e abastecemento de auga), sendo o propio concello quen se encarga do seu mantemento así coma da reparación das incidencias sobre as mesmas.*
- *Que o concello realiza actuacións puntuais de delimitación e pintado das prazas de aparcadoiro na vía.*
- *Que o concello ven de realizar unha inversión coa actuación de substitución do sistema de alumado público na citada vía, por un sistema de iluminación LED de maior rendemento e eficiencia, en base á convocatoria do IDAE (Instituto para a Diversificación e Aforro de Enerxía)”*

4.- No mesmo día 17/01/2022, o concello de Ribadumia presenta escrito de ampliación do recurso de reposición mediante rexistro web2022001645, achegando unha resolución do Servizo de Infraestruturas e Vías Provinciais da propia Deputación de data 12/11/2019 destinada a unha comunidade de veciños de Cambados sita na E.P. 9302 Xil-Cobas-Barrantes, na que se recolle que *“En resposta ao seu escrito informámoslle que a regulación do estacionamento en zona urbana é competencia municipal, polo que non é posible atender a súa petición”*.

5.- No expediente nº 2021040014 tramitado para a solicitude do concello de Ribadumia ao abeiro do Programa REACPON “Proxecto de urbanización para ampliación e recuperación dos espazos públicos na contorna dos centros escolares e deportivos de Barrantes. Ribadumia-Pontevedra”, consta que en efecto a actuación terá lugar na estrada provincial EP 9506 Barrantes. Vilariño, e na súa zona de afección.

6.- No BOPPO núm. 49 de 12/03/2021 publicouse o catálogo de estradas de titularidade da Deputación de Pontevedra a 01/01/2021, e nel consta a estrada EP-9506 Barrantes-Vilariño (Ribadumia).



7.- Consta nas actuacións, mediante oficio de data 18/01/2022 no que se solicita informe ao Servizo de Infraestruturas da Deputación relativo á constatación da titularidade dos viarios nos que se pretende desenvolver o investimento e, ase mesmo, os usos e actuacións que a Deputación de Pontevedra pode autorizar en caso de ser os viarios de titularidade provincial. No en tanto tamén se interesou o preceptivo informe xurídico á Secretaría Xeral, con resultado que obra nas actuacións en orde a desestimar o recurso interposto.

## FUNDAMENTOS DE DEREITO

### Réxime xurídico

- Lei 38/2003, de 17 de novembro, xeral de subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)
- Lei 7/1985, de 2 de abril, reguladora das bases do réxime local (LRBRL)
- Lei 5/1997, de 22 de xullo, reguladora da Administración Local de Galicia (LALGA)
- Lei 39/2015, de 1 de outubro, do procedemento administrativo común das Administracións Públicas (LPACAP)
- Lei 40/2015, de 1 de outubro, de réxime xurídico do sector público (LRXSP)
- Lei 9/2007, de 13 de xuño, de subvencións de Galicia (LSG)
- Lei 19/2013, de 9 de decembro, de transparencia, acceso á información pública e bo goberno
- Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRXEL)
- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014
- Regulamento UE 2020/852, do Parlamento Europeo e o do Consello de 18 de xuño 2020, relativo ao establecemento dun marco para facilitar as inversións sostibles polo que se modifica o Regulamento UE 2019/2088
- Lei 8/2013, de 28 de xuño, de estradas e Galicia
- Decreto 66/2016, do 26 de maio, polo que se aproba o Regulamento de estradas de Galicia
- Bases reguladoras e convocatoria do Programa provincial de infraestruturas e dotacións singulares para a recuperación post-covid-19. Programa REACPON (Reacciona Pontevedra Provincia)
- Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30 de decembro de 2016
- Bases de execución do orzamento da Deputación para o exercicio 2022

### Consideracións xurídicas

1.- En primeiro lugar cómpre precisar que o artigo 118 da Lei 39/2015, de 1 de outubro, do Procedemento Administrativo Común das Administracións Públicas (LPACAP) dispón que non se terán en conta na resolución dos recursos, feitos, documentos ou alegacións do recurrente, cando podendo aportalos no trámite de alegacións non o tivera feito. E no artigo 112 a mesma Lei, exige que o recurso se fundamente en calquera dos motivos de nulidade ou anulabilidade previstos nos artigos 47 e 48 do referido texto normativo.



2.- Acontece que, por unha banda, non se invoca nin se aprecia vicio de nulidade ou anulabilidade algún. E aínda que é certo que a resolución que se impugna é desfavorable ao concello de Ribadumia por canto foi excluído da concesión do Programa REACPON, esta circunstancia ten que vir sustentada en algunha das causas de invalidez. Emporiso pode entenderse, que en realidade, o que se combate polo ente municipal é a interpretación e aplicación que o órgano concedente provincial fai da titularidade ou dispoñibilidade dos terreos nos que se localizaría o investimento a subvencionar.

3.- Por outra banda, e conectado co anterior, as alegacións agora esgrimidas polo Arquitecto municipal non deixan de ser reiteración ou reprodución do que xa consta no expediente orixinario. Ao igual que o documento que acompaña a ampliación do recurso, que leva data de 12/11/2019, sendo anterior a propia resolución do Programa REACPON. É dicir, estas novas alegacións e documentación en nada fan desmerecer a causa pola cal se acordou excluír ao concello da concesión. A actuación segue a ser nunha estrada provincial.

4.- Non se discute que o Concello leve a cabo actuacións de índole local e de competencia municipal na referida estrada ou na súa zona de afección, e que teña acadada a pertinente autorización da Deputación para levalas a cabo.

5.- As estradas dos entes locais como as das deputacións provinciais aparecen reguladas na Lei 8/2013, de 28 de xuño de Estradas de Galicia, artigo 2. Esta norma claro que lle atribúe competencia aos concellos, en concreto no seu artigo 33.7, dicindo que *“lles corresponderá aos concellos a conservación e mantemento de todos os elementos que estando situados no dominio público viario, non formen parte da estrada nin dos seus elementos funcionais e lles sirvan a aqueles para exercer as súas competencias propias”*, porque como tamén precisa a Lei de Bases de Réxime Local 7/1985, de 2 de abril, no artigo 25.2.g) é competencia dos municipios *“Tráfico, estacionamento de vehículos e mobilidade”* xunto o artigo 26.1 que reitera que os municipios deben prestar en todo caso o servizo de acceso aos núcleos de poboación e a pavimentación das vías públicas.

6.- Sen embargo, baixo ningún pretexto se pode identificar competencia con titularidade, nin tendo autorización para o exercicio da competencia local, xacando como apunta o artigo 49 da mesma Lei de Estradas de Galicia, *“as autorizacións outórganse a reserva das demais licenzas e autorizacións necesarias, sen prexuízo de terceiros e deixando a salvo os dereitos preexistentes sobre os terreos ou bens. Non suporán en ningún caso a cesión do dominio público, (...)”*, porque unha cousa é ter un uso autorizado e outra moi distinta é ter un uso cedido. Non é posible equiparalos tal e como aclara o artigo que acabamos de transcribir.

7.- Autorizar só supón a posibilidade de actuar con permiso, pero ao mesmo tempo supón que a administración autorizante pode en calquera momento revogar unilateralmente aquela autorización (apartado 5 do artigo citado 49). Obviamente non é posible conceder unha subvención para unha actuación na que cabe esta eventual revogación.

8.- O Programa REACPON, na Base Reguladora 6.1, en efecto, exclúe as solicitudes que non dispoñan da titularidade dos terreos ou dun treito de uso ou cesión sobre estes. Demanda un negocio traslativo da titularidade ou do aproveitamento do ente titular a prol do ente municipal. Negocio xurídico que non consta nas actuacións, nin nas actuais alegacións que acompañan ao recurso de reposición e a súa ampliación. Que a estrada estea inxertada nun tramo urbano da vila só favorece que se chegue a forxar a súa cesión, pero mentres isto non teña lugar, a estrada segue a ser da Deputación e mantense por igual a causa de exclusión.





9.- E se aos demais participantes no procedemento de concorrncia competitiva se lles pediu acreditar este requisito, cabe entender que de igual cumprimento lle é de exixencia ao concello de Ribadumia. Polo que senón consta que se teña nin solicitado nin tramitado un expediente de cambio de titularidade na estrada provincial, tal e como prescribe o artigo 18 do Decreto 66/2016, de 26 de maio, polo que se aproba o Regulamento de Estradas de Galicia (tamén aplicable as estradas dos entes locais), e seguindo o exposto polos Informes do Servizo de Infraestruturas e Vías Provincias xunto o Informe da Secretaria Xeral, cómpre concluír que o vial en cuestión segue a ser de titularidade da mesma Deputación. E non constando que o Concello de Ribadumia ostente título algún que lle permita cumprir co disposto nas Bases Reguladoras a consecuencia tan natural como legal é a súa exclusión do Programa Reacpon.

### III.- RÉXIME COMPETENCIAL

De acordo co establecido no artigo 123 da lei 39/2015, a competencia para resolver é a do mesmo órgano que ditou a resolución impugnada, no caso o Pleno da Deputación Provincial.

### CONCLUSIÓN

Polo exposto, propónse desestimar o recurso de reposición interposto polo concello de Ribadumia xunto a súa ampliación contra o acordo número 4.7719 do Pleno da Deputación Provincial da sesión extraordinaria de 17/12/2021 no que se acordaba, entre outros extremos, a exclusión do referido Concello en atención a “*Non dispoñer da titularidade dos terreos ou dun dereito de uso u cesión sobre estes que teña unha duración indefinida, xa que a actuación que se pretende realizar afecta a un viario de titularidade provincial (apartado 1 da Base Reguladora 6ª)*”, do Programa REACPON, confirmando o decidido na súa integridade

De acordo cos antecedentes e os fundamentos de dereito, xunto a conclusión a cal chega, no exercicio das competencias recollidas no art. 35 da LRBRL, no artigo 63 do ROFRXEL e as Bases específicas de execución do orzamento para o exercicio 2022, e vistos os informes da Xefa de Servizo de Cooperación (CSV: BK53VCUT4OGKIKSQ), da Secretaría Xeral (CSV: O9L8XEBWVPULQKRB), e do Director de Infraestruturas e Vías Provincias de data 21/01/2022, sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte PROPOSTA DE ACORDO:

- Aprobar a desestimación do recurso de reposición coa súa ampliación, interposto polo concello de Ribadumia contra o Acordo número 4.7719 do Pleno da Deputación Provincial da sesión extraordinaria de 17/12/2021 no que se acordaba, entre outros extremos, a exclusión do concello de Ribadumia atención a “*Non dispoñer da titularidade dos terreos ou dun dereito de uso u cesión sobre estes que teña unha duración indefinida, xa que a actuación que se pretende realizar afecta a un viario de titularidade provincial (apartado 1 da Base Reguladora 6ª)*” do Programa REACPON, confirmando o decidido na súa integridade
- Darlle traslado do presente acordo ao concello de Ribadumia, á Intervención, ao Servizo de Cooperación e ao Gabinete da Presidencia.”

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por unanimidade, cos votos a favor dos/as deputados/as do grupo Provincial do PSdeG-PSOE (8), do Grupo Provincial do BNG (2), e en contra do Grupo Provincial do Partido Popular (7).



## **6.- DITAMINAR A RESOLUCIÓN DO RECURSO DE REPOSICION INTERPOSTO POLO CONCELLO DE SOUTOMAIOR A SÚA EXCLUSION DO PROGRAMA REACPON (REACCIONA PONTEVEDRA PROVINCIA) (expediente 2021039790)**

Sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte de resolución do recurso de reposición interposto polo concello de Soutomaior contra a súa exclusión do Programa REACPON, de conformidade co establecido nos artigos 123 e 126 do R.D. 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, con carácter previo á súa elevación ante o órgano competente para a súa aprobación:

**“ASUNTO: RESOLUCION DO RECURSO DE REPOSICIÓN INTERPOSTO POLO CONCELLO DE SOUTOMAIOR CONTRA A SÚA EXCLUSIÓN DO PROGRAMA REACPON (Reacciona Pontevedra Provincia)- Expediente 2021039790**

### **ANTECEDENTES**

Mediante rexistro web2022002189 de data 20/01/2022 o Concello de Soutomaior presentou escrito de recurso de reposición contra o Acordo nº 4.7719 do Pleno da Deputación Provincial da sesión extraordinaria de 17 de decembro de 2021 no que se acordaba, entre outros extremos, a exclusión do proxecto deste concello “Humanización da praza de Cimadevila a rúa Rosalía de Castro, Arcade, Camiño de Santiago, Tramo 1” (Expediente nº 2021039790) por canto non acadaba o 50 % da puntuación total.

O petionario solicita que se revogue parcialmente a resolución impugnada, por falta de motivación, e se proceda a ditar unha nova na que se acorde por ter estimada a solicitude de subvención presentada polo Concello de Soutomaior.

No expediente nº 2021025615 tramitado para a concesión en concorrencia competitiva do Programa REACPON consta que o ente municipal impugnante acadou un total de 43,25 puntos. Chegando a esta cifra por obter na base 6.2.a) 10 puntos; na 6.2.b) 1,25 puntos; na 6.2.c) 27,00 puntos; e na 6.2.d) 5,00 puntos.

E no expediente nº 2021039790 de Soutomaior consta o informe do Técnico facultativo integrante da Comisión de Expertos que puntuou os proxectos presentados, explicitando os criterios de puntuación aplicados e obtidos polo proxecto do concello de Soutomaior.

Tamén consta Informe da Secretaría Xeral no que presta conformidade ao Informe de Cooperación relativo á desestimación do recurso de reposición interposto.

### **FUNDAMENTOS DE DEREITO**

#### **Réxime xurídico**

- Lei 38/2003, de 17 de novembro, xeral de subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)
- Lei 7/1985, de 2 de abril, reguladora das bases do réxime local (LRBRL)
- Lei 5/1997, de 22 de xullo, reguladora da Administración Local de Galicia (LALGA)



- Lei 39/2015, de 1 de outubro, do procedemento administrativo común das Administracións Públicas (LPACAP)
- Lei 40/2015, de 1 de outubro, de réxime xurídico do sector público (LRXSP)
- Lei 9/2007, de 13 de xuño, de subvencións de Galicia (LSG)
- Lei 19/2013, de 9 de decembro, de transparencia, acceso á información pública e bo goberno
- Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRXEL)
- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014
- Lei 2/2016, de 10 de febreiro de solo de Galicia
- Lei 5/2016, de 1 de maio de patrimonio cultural de Galicia
- Regulamento UE 2020/852, do Parlamento Europeo e do Consello de 18 de xuño 2020, relativo ao establecemento dun marco para facilitar as inversións sostibles polo que se modifica o Regulamento UE 2019/2088
- Real Decreto Lei 36/2020 de 30 de decembro que aproba as medidas urxentes para a modernización da Administración Pública e para a execución do Plan de Recuperación, Transición e Resiliencia
- Bases reguladoras e convocatoria do Programa provincial de infraestruturas e dotacións singulares para a recuperación post-covid-19. Programa REACPON (Reacciona Pontevedra Provincia)
- Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30 de decembro de 2016
- Bases de execución do orzamento da Deputación para o exercicio 2022

#### Consideracións xurídicas

1.- En primeiro lugar cómpre precisar que o artigo 112 da Lei 39/2015, de 1 de outubro, do Procedemento Administrativo Común das Administracións Públicas (LPACAP) exige que o recurso se fundamente en calquera dos motivos de nulidade ou anulabilidade previstos nos artigos 47 e 48 do referido texto normativo. O concello de Soutomaior invoca a vulneración da Base Sexta do Programa REACPON, xunto cos artigos 25 da Lei 38/2003, de 17 de novembro, Xeral de subvencións (LXS), e 23.2 da Lei 9/2007, de 13 de xuño, de subvencións de Galicia, por unha banda, e por outra a Base Sétima apartado primeiro das reguladoras da convocatoria, cos artigos 25. 2º LXS e 35 LPACAP.

2.- A Base Sexta do Programa REACPON (publicado no BOPPO nº 102 de data 01/06/2021) apunta os criterios de valoración de xeito que son catro; a primeira que leva a letra a), é “Madurez do proxecto, que deberá acreditarse documentalmente, ata 30 puntos”. Para chegar aos 30 puntos a Base Reguladora vai indicando distintos banzos de menor a maior. Así:

- “Por non ter solicitadas as autorizacións sectoriais e ser estas necesarias: 0 puntos”,
- “Por ter solicitadas as autorizacións sectoriais: 10 puntos”,
- “Por dispoñer das autorizacións sectoriais ou non ser necesarias, pero non estar aínda listo para licitar: 20 puntos”,



- “Por estar aprobado o proxecto polo órgano competente e constar expresamente que está completo e listo para licitar; 25 puntos”,
- “Por estar aprobada polo órgano competente a licitación; 28 puntos”,
- “Por estar aprobada polo órgano competente e ter publicada a licitación; 30 puntos”.

Ademais, a devandita Base Reguladora tamén precisa que estas puntuacións non son acumulables, de maneira que se lle asignará unicamente a puntuación correspondente á fase máis avanzada acreditada.

3.- O concello de Soutomaior considera que si que acreditou a correspondente aprobación da licitación, sen marxinar que a propia Deputación podería ter exercitado a posibilidade da propia Base Reguladora 6ª de requirilo para constatalo, e que emporiso, aínda que non foi requirida, cunha recta aplicación daquela Base 6ª, lle correspondería unha puntuación maior de modo que superaría o 50 % da puntuación total.

4.- O proxecto presentado “Humanización da praza de Cimadevila a rúa Rosalía de Castro, Arcade, Camiño de Santiago, Tramo 1” precisa de autorizacións sectoriais, en concreto da Dirección Xeral de Patrimonio Cultural, a cal foi pedida a este organismo en data 28/07/2021 segundo rexistro que forma parte da documentación da solicitude, malia que o Concello manifeste que ten aprobado o proxecto e a licitación. En consecuencia, esta Administración Provincial, no intre de puntuar o disposto na Base 6.2.a) e seguindo un criterio absolutamente homoxéneo para todos os participantes, só se lle poido outorgar 10 puntos. A maior afondamento, se non se teñen concedidas as autorizacións sectoriais non se pode aprobar o proxecto nin a licitación, tal e como indican como paso previo os artigos 144.4 e 147.2 da Lei 2/2016 do Solo de Galicia, e o artigo 39.2 da Lei 5/2016, de 1 de maio de Patrimonio Cultural de Galicia. A Deputación Provincial non pode deixar de lado a aplicación da lexislación en beneficio de ningún participante.

5.- A introdución do Programa REACPON sinala que está deseñado para dar cumprimento a tres finalidades, sendo unha delas, a de avanzar na consecución dos obxectivos 2030 e nas liñas mestras definidas para os fondos Next Generation. Estes fondos teñen un marco establecido no Regulamento (UE) 2021/241 do Parlamento Europeo e do Consello, de 12 de febreiro de 2021, polo que se establece o Mecanismo de Recuperación e Resilencia, xunto o RD-Lei 36/2020, de 30 de decembro, polo que se aproban medidas urxentes para a modernización da Administración Pública e para a execución do Plan de Recuperación, Transición e Resilencia.

6.- Tanto o Regulamento comunitario como o Decreto Lei citado, son contundentes en precisar que en caso de non realizarse o gasto en prazo, os fondos haberán de reintegrarse, e para acelerar a execución dentro do prazo existe esa Base Reguladora 6ª punto 2.a), que outorga 30 puntos polo grado de madurez. Velaí que non se poden compartir os argumentos do concello de Soutomaior, xacando o seu proxecto non ten garantías de certidume ata que non obteña a autorización sectorial de Patrimonio.

7.- Seguindo coa puntuación dada nos apartados b), c) e d) da mesma Base Reguladora 6ª punto 2, para as cales o ente municipal impugnante obtido 1,25 puntos, 27,00 puntos, e 5,00 puntos respectivamente, non se indica no corpo do recurso de reposición unha valoración distinta a esta nin os criterios polos cales procedería outra avaliación. Limitase o Concello a invocar xenericamente que xa aportou a pertinente xustificación técnica acreditativa da calidade mesma do documento presentado. Este extremo é rebatido polo informe do Técnico facultativo integrante da Comisión de Expertos, onde se argumentan estas puntuacións. Ademais cómpre indicar que o Concello ten acceso ao expediente de forma que pode concretar en que non está de acordo, ou onde se aprecian erros metodolóxicos, cousa que non fixo.



8.- Así, no apartado 6.2.b), os puntos acadados son 1,25, pois o proxecto segue a combinar e manter a presenza do tráfico rodado, malia que se propón a súa redución. Cando neste apartado o que se prima é a contribución a unha economía descarbonizada e os usos exclusivamente peonil do espazo. Polo que esta puntuación é a máis acaída á proposta presentada.

9.- No seguinte apartado, 6.2.c) a puntuación é superior, é de 27,00 puntos, destacándose a calidade do proxecto e entendendo que é conteste ao estar moi preto da puntuación máxima. Pero non chega aos trinta puntos, porque non acada na súa totalidade o grado superlativo que sería posible.

10.- En canto o apartado que resta, o 6.2.d), obtivo 5,00 puntos fronte aos 10 dos posibles. Esta derradeira puntuación obedece, segundo a memoria presentada, ao grado de contribución na consecución e realización dos obxectivos fixados na Axenda 2030, nas políticas Panca.

11.- Outras das razóns nas que se apoia o recurso exercitado e a falta de motivación exixa polo artigo 35 da LPACAP e 25.2 da LXS, ademais do artigo 23.2 da Lei 9/2007, de 13 de xullo, de subvencións de Galicia. O deber de motivación equivale a cumprir a obriga de toda administración pública de dar a coñecer a fundamentación legal e técnica na que se apoia a resolución que decide a concesión, e identificar aos beneficiarios co investimento. Esta fundamentación pode vir mediante a aplicación de fórmulas aritméticas ou por un sistema de puntuación, explicado e publicado antes coas Bases Reguladoras e a Convocatoria, polo que a aplicación das mesmas e indicado a porcentaxe por debaixo da cal non se da por superada a concesión xunto as razóns de por qué non son superiores, xa da por cumprido o deber de motivar. Non hai arbitrariedade nin falta de transparencia por aplicar uns valores xa coñecidos, o que hai é discrepancia co resultado dun dos concellos participantes, e a discrepancia ou o parecer diferente a do órgano concedente non é un motivo de invalidez nin tampouco unha causa que motive un recurso ordinario e potestativo como o de reposición.

### III. RÉXIME COMPETENCIAL

De acordo co establecido no artigo 123 da lei 39/2015, a competencia para resolver é a do mesmo órgano que ditou a resolución impugnada, no caso o Pleno da Deputación.

### CONCLUSIÓN

Polo exposto, propónse desestimar o recurso de reposición interposto polo concello de Soutomaior contra o acordo número 4.7719 do Pleno da Deputación Provincial da sesión extraordinaria de 17/12/2021 no que se acordaba, entre outros extremos, a exclusión do referido Concello do Programa REACPON en atención a que non acadou o cincuenta por cento da puntuación total, confirmando o decidido na súa integridade“

De acordo cos antecedentes e os fundamentos de dereito, xunto a conclusión a cal chega, no exercicio das competencias recollidas no art. 35 da LRBRL, no artigo 63 do ROFRXEL e as Bases específicas de execución do orzamento para o exercicio 2022, e vistos os informes da Xefa de Servicio de Cooperación (CSV: T3946XJJO34APWQ9), da Secretaría Xeral (CSV: QAXUX62ERIZDRXTT), e do Enxeñeiro Xefe do Servizo de Cooperación integrante da Comisión de Expertos (CSV: 0ZARM0LAI2P6LH23), sométese ao ditame da Comisión



Informativa de Cooperación Municipal, Cooperación Transfronteiriza e Cohesión Social a seguinte PROPOSTA DE ACORDO:

- Aprobar a desestimación do recurso de reposición interposto polo concello de Soutomaior contra o Acordo número 4.7719 do Pleno da Deputación Provincial da sesión extraordinaria de 17/12/2021 no que se acordaba, entre outros extremos, a exclusión do concello de Soutomaior do Programa REACPON en atención a que non acadaba o cincuenta por cento da puntuación total, confirmando o decidido na súa integridade.
- Darlle traslado do presente acordo ao concello de Soutomaior, á Intervención, ao Servizo de Cooperación e ao Gabinete da Presidencia.”

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión social, ditamina favorablemente por unanimidade, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e en contra do Grupo Provincial do Partido Popular (7).

### **7.- DITAMINAR A RESOLUCIÓN DO RECURSO DE REPOSICION INTERPOSTO POLO CONCELLO DE O PORRIÑO A SÚA EXCLUSIÓN DO PROGRAMA REACPON (REACCIONA PONTEVEDRA PROVINCIA) (expediente 2021040022)**

Sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte proposta de resolución do recurso de reposición interposto polo concello de O Porriño pola súa exclusión do Programa REACPON, de conformidade co establecido nos artigos 123 e 126 do R.D. 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, con carácter previo á súa elevación ante o órgano competente para a súa aprobación:

**“ASUNTO: RESOLUCION DO RECURSO DE REPOSICIÓN INTERPOSTO POLO CONCELLO DE O PORRIÑO CONTRA A SÚA EXCLUSIÓN DO PROGRAMA REACPON (Reacciona Pontevedra Provincia)- Expediente 2021040022**

#### **ANTECEDENTES**

Mediante rexistro Nº 2022001531 de data 21/01/2022 o Concello de O Porriño presentou escrito de interposición de recurso de reposición contra o acordo nº 4.7719 do Pleno da Deputación do día 17/12/2021, no que se resolvía a súa exclusión da concesión de subvencións ao abeiro do Programa Provincial de Infraestruturas e Dotacións Singulares para a Recuperación Post-Covid 19 “Programa REACPON (Reacciona Pontevedra Provincia)” (Expediente 2021025615), por non acadar o 50% da puntuación total.

Consta nas actuacións, que o concello de O Porriño accedeu a notificación do acordo do Pleno agora impugnado en data 20/12/2021.

Dando traslado á Secretaría Xeral informouse pola mesma indicando que a presentación do recurso de reposición fóra de prazo ten como consecuencia a súa inadmisión en vía administrativa.



## FUNDAMENTOS DE DEREITO

### Réxime xurídico

- Lei 38/2003, de 17 de novembro, xeral de subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)
- Lei 7/1985, de 2 de abril, reguladora das bases do réxime local (LRBRL)
- Lei 5/1997, de 22 de xullo, reguladora da Administración Local de Galicia (LALGA)
- Lei 39/2015, de 1 de outubro, do procedemento administrativo común das Administracións Públicas (LPACAP)
- Lei 40/2015, de 1 de outubro, de réxime xurídico do sector público (LRXSP)
- Lei 9/2007, de 13 de xuño, de subvencións de Galicia (LSG)
- Lei 19/2013, de 9 de decembro, de transparencia, acceso á información pública e bo goberno
- Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais (ROFRXEL)
- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014
- Regulamento UE 2020/852, do Parlamento Europeo e o do Consello de 18 de xuño 2020, relativo ao establecemento dun marco para facilitar as inversións sostibles polo que se modifica o Regulamento UE 2019/2088
- Bases reguladoras e convocatoria do Programa provincial de infraestruturas e dotacións singulares para a recuperación post-covid-19. Programa REACPON (Reacciona Pontevedra Provincia)
- Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30 de decembro de 2016
- Bases de execución do orzamento da Deputación para o exercicio 2022

### Consideracións xurídicas

1.- O artigo 29 da Lei 39/2015, de 1 de outubro de Procedemento Administrativo Común das Administracións Públicas (LPACAP) dispón que os termos e prazos establecidos en esta ou outras leis obrigan ás autoridades e persoal ao servizo das Administracións Públicas competentes para a tramitación dos asuntos, así como aos interesados nos mesmos. A Lei establece a obrigatoriedade dos termos e dos prazos como unha ferramenta para garantir unha eficiente e eficaz xestión dos asuntos públicos e o cumprimento dos trámites do procedemento.

2.- De acordo co artigo 124 da LPACAP o prazo para a interposición do recurso de reposición será dun mes, se o acto foi expreso. E o prazo máximo para ditar e notificar a resolución do recurso será dun mes.

3.- O artigo 30 LPACAP no seu apartado 4 precisa que se o prazo se fixa en meses, este se computará a partir do día seguinte a aquel no que teña lugar a notificación ou publicación do acto de que se trate, ou desde o seguinte a aquel no que se produza a estimación ou desestimación por silencio administrativo. O prazo concluirá no mesmo día no que se produza a notificación, publicación ou silencio administrativo no mes ou o ano de vencemento.



4.- Seguindo os preceptos expostos, resulta que a interposición do recurso de reposición realizada polo concello de O Porriño está fóra de prazo xa que se verificou ao día seguinte de terse concluído o prazo legal. Logo, dáse unha causa de inadmisión a trámite, impedindo entrar no fondo do asunto impugnado.

5.- A regulación actual dos prazos perante as Administracións Públicas xa sinalou no seu momento (Exposición de Motivos da Lei 39/2015) que, como principal novidade, destaca a introdución do cómputo de prazos por horas e a declaración dos sábados como días inhábiles, unificando de este xeito o cómputo de prazos no ámbito xudicial e o administrativo, ademais de conservar o cómputo de mes a mes para o caso de que ser o prazo por meses e non por días. Previsión que outrora establecera a anterior Lei 4/1999, de modificación da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

6.- O artigo 12 do Regulamento da Administración Electrónica da Deputación de Pontevedra (BOPPO nº 5 de 09/01/2015) precisa que o rexistro electrónico da Deputación de Pontevedra foi creado para a recepción e remisión dos escritos, solicitudes e comunicacións que se tramitan por medios electrónicos, que poderá realizarse todos os días do ano, durante as vinte e catro horas, sen prexuízo das interrupcións, polo tempo imprescindible, cando concorran razóns xustificadas de mantemento técnico ou operativo, das que se informará no propio rexistro e na sede electrónica.

7.- E non constando interrupción algunha que xerese indefensión ou impedise o funcionamento habitual do rexistro da Deputación no día 20 de xaneiro de 2022, que era o día final ou *ad quem*, a presentación do escrito do recurso de reposición do día 21, resulta ser, sen albergar ningunha dúbida, extemporáneo.

### RÉXIME COMPETENCIAL

De acordo co establecido no artigo 123 da lei 39/2015, a competencia para resolver é a do mesmo órgano que ditou a resolución impugnada, no caso o Pleno da Deputación.

### CONCLUSION

Polo exposto, propónse a inadmisión a trámite por extemporáneo do recurso de reposición interposto polo concello de O Porriño contra o acordo número 4.7719 do Pleno da Deputación Provincial da sesión extraordinaria de 17/12/2021 no que se acordaba, entre outros extremos, a exclusión do referido Concello do Programa REACPON en atención a non acadar o cincuenta por cento da puntuación total, confirmando o decidido na súa integridade“

De acordo cos antecedentes e os fundamentos de dereito, xunto a conclusión a cal chega, no exercicio das competencias recollidas no art. 35 da LRBRL, no artigo 63 do ROFRXEL e as Bases específicas de execución do orzamento para o exercicio 2022, e vistos os informes da Xefa de Servicio de Cooperación (CSV: FRE8H9QOFLRCFNKB), da Secretaría Xeral (CSV: A9S5NGMLM8OH2BDO), sométese ao ditame da Comisión Informativa de Cooperación Municipal, Cooperación Transfronteiriza e Cohesión Social a seguinte PROPOSTA DE ACORDO:

- Aprobar a inadmisión a trámite por extemporáneo do recurso de reposición interposto polo concello de O Porriño contra o Acordo número 4.7719 do Pleno da





Deputación Provincial da sesión extraordinaria de 17/12/2021 no que se acordaba, entre outros extremos, a exclusión do concello de O Porriño do Programa REACPON, en atención a non acadar o cincuenta por cento da puntuación total, confirmando o decidido na súa integridade

- Darlle traslado do presente acordo ao concello de O Porriño, á Intervención, ao Servizo de Cooperación e ao Gabinete da Presidencia.”

Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina favorablemente por unanimidade, cos votos a favor dos/as deputados/as do Grupo Provincial do PSdeG-PSOE (8), do Grupo Provincial do BNG (2), e en contra do Grupo Provincial do Partido Popular (7).

#### **8.- DITAMINAR A MOCIÓN DO GRUPO PROVINCIAL DO PARTIDO POPULAR PARA QUE A DEPUTACIÓN MANTEÑA NO PLAN CONCELLOS 22-23 A LIÑA FIXA QUE PERCIBIRÍAN OS CONCELLOS DE CERDEDO E COTOBADE POR SEPARADO**

De conformidade co establecido nos artigos 123 a 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ó Ditame da Comisión Informativa de Cooperación Municipal, Cooperación Transfronteiriza e Cohesión Social a seguinte moción con carácter previo a súa elevación ó Pleno:

*“O grupo provincial do Partido Popular, e no seu nome o deputado Jorge Cubela López, ante o pleno da Deputación de Pontevedra presenta para o seu debate e, se procede, aprobación a seguinte*

**MOCIÓN PARA QUE A DEPUTACIÓN MANTEÑA NO PLAN CONCELLOS 22-23 A LIÑA FIXA QUE PERCIBIRÍAN OS CONCELLOS DE CERDEDO E COTOBADE POR SEPARADO**

*O DOG publicou o Decreto 134/2016, do 22 de setembro, polo que se aproba a fusión voluntaria dos municipios de Cerdedo e Cotobade e constitúese o municipio de Cerdedo-Cotobade. Unha fusión voluntaria baseada e xustificada en consideracións de orde xeográfica e económica e na estimación de que da alteración se derivarían importantes vantaxes para os dous concellos en canto á prestación de servizos compartidos.*

*Foi a primeira fusión de municipios de España tras a entrada en vigor do Texto Refundido da Lei reguladora das Bases do Réxime Local que, concretamente non seu artigo 13.3 oriéntanse cara impulsar a racionalización económica dos concellos e a fusión destas entidades locais co galo de garantir unha mellor prestación de servizos ós cidadáns aplicando criterios de racionalización de recursos.*

*Esta norma introduce por primeira vez medidas concretas para fomentar a fusión voluntaria de concellos para a súa potenciación, racionalización de estruturas e superar a atomización. Entre estas medidas establécense o incremento da súa financiamento, a preferencia na asignación de plans de cooperación locais ou subvencións.*



*Así, a norma descrita reconece aos novos concellos resultantes de procesos de fusión voluntarias o incremento dun 0,10 % no coeficiente da Participación nos Ingresos do Estado (PIE).*

*Pola súa banda, a Comunidade Autónoma de Galicia a través da Lei 5/1997, do 22 de xullo, de Administración Local de Galicia, introduciu medidas de fomento para a fusión de municipios, das que o Concello de Cerdedo-Cotobade se viu beneficiado:*

- a) Axudas económicas e técnicas.*
- b) Criterios prioritarios ou especiais na asignación de subvencións finalistas.*
- c) Creación dun fondo especial.*

*Cabe subliñar, polo tanto, que nos atopamos nun contexto legal, social, económico e político proclive ás fusións voluntarias de municipios. De feito, outros municipios do Estado xa están explorando tamén este procedemento.*

*Para o Partido Popular as Deputacións provinciais, como administracións locais que teñen como obxectivo principal dar apoio e colaborar cos pequenos municipios, debe ser unha parte activa dos procesos de fusión resultantes na súa provincia. Son a institución máis próxima aos concellos, cuxa asistencia e cooperación debería ser estratéxica e por iso entendemos que debería tamén amosar un apoio claro e continuado tamén neste caso. Tomamos como exemplo a experiencia da Deputación da Coruña co Concello de Oza-Cesuras, a quen lle seguen recoñecendo a súa singularidade, tras o proceso de fusión que levaron a cabo no ano 2013, moito antes que o de Cerdedo-Cotobade.*

*Dende o Grupo Popular queremos defender as interpretacións literais e teleolóxicas dos preceptos normativos que pretenden incentivar as fusións voluntarias entre municipios e, por iso, botamos en falla que nas Bases Reguladoras do Plan de Obras e Servizos (Plan Concellos 2022-2023) non se contemple ningunha medida, canto menos, para seguir mantendo unha cantidade igual á que recibirían os dous concellos por separado e, ademais, nunca inferior.*

*Porén, non se trata de pedir un trato preferente, senón de manter un investimento similar ao que recibirían os dous concellos por separado, e así cumprir co espírito da Lei 27/2013, de 27 de decembro, de racionalización e sostibilidade da Administración Local antes citada e con absoluto respecto á autonomía local da Institución Provincial.*

*Xa no ano 2017, o concello de Cerdedo-Cotobade mediante un escrito instou á Presidencia da Deputación a manter no Plan Concellos dese ano a mesma cantidade dos fondos que se destinaban por separado aos dous concellos -Cerdedo e Cotobade-, xa que nas bases non se vía reflectida esa cantidade para a entidade fusionada.*



*Previo ou ditame da Intervención Provincial se estimou preciso manter a asignación de fondos dentro do citado Plan para a entidade fusionada con respecto ós que se destinaban individualmente a cada un dos Concellos por separado, atendendo a que cos criterios previstos nas Bases publicadas a asignación sería menor. A situación foi resolta pola Intervención Provincial apelando ó espírito da norma e non tanto ó seu carácter imperativo atendendo ó respecto a autonomía local, suxerindo a incoación dun expediente de modificación do orzamento a fin de cumprir, insistimos, co principio proclamado na Lei de que a fusión de Concellos en ningún caso suporía unha diminución para os ingresos polo concepto de Plans Provinciais dous percibidos con carácter previo á fusión.*

*En todo caso, consideramos que o Concello de Cerdedo-Cotobade hoxe, como calquera outro Concello que se atope nas mesmas circunstancias no futuro, non debería verse prexudicado polo feito de adoptar unha decisión de fusión pensando unicamente na propia racionalización dous recursos públicos. Os plans provinciais financian obras e servizos moi necesarios para o día a día dos concellos, necesidades que sen dúbida vense incrementadas polo propio incremento da territorialidade e da poboación.*

*Ademais, temos ou exemplo preto de nós, xa que a Deputación da Coruña, nas Bases do Plan Provincial de Obras e Servizos de 2022 (PLAN POS+ 2022), inclúe diversas prescricións ó respecto do Concello fusionado de Oza-Cesuras coa finalidade, segundo expresa literalmente “de non causarlle prexuízos por mor de dita fusión”.*

*Esta é a finalidade perseguida pola norma, pola Lei 27/2013 de 27 de decembro de racionalización e sostibilidade da administración local e polo novo contido do artigo 13.4. g) da Lei Reguladora das Bases de Réxime Local. Por iso, pedimos a adaptación das bases do Plan Concellos ao principio indicado, e que se reflicta a singularidade do Concello de Cerdedo-Cotobade*

*como produto da súa fusión, garantindo, como mínimo, que reciba a mesma cantidade que recibirían os dous concellos por separado.*

*Por todo isto, elevamos ó pleno da Deputación Provincial de Pontevedra os seguintes*

#### **ACORDOS**

- 1. A reconsideración do posicionamento da Deputación e o mantemento da parte da liña fixa que recibirían os municipios de Cerdedo e Cotobade por separado no Plan Concellos 22-23.*
- 2. Que se aprobe unha modificación de crédito que complementa a cantidade que lle correspondería ao concello resultante da fusión.*

*Pontevedra, 15 de xaneiro de 2022*

*Asdo.: Jorge Cubela López”*



Sometido a votación este asunto, a Comisión Informativa de Cooperación Municipal, Cooperación Transfronteiriza e Cohesión Social, ditamina desfavorablemente a referida moción cos votos en contra dos/as deputados/as do Grupo Provincial do PSdeG-PSOE (8) e do Grupo Provincial do BNG (2), e a favor do Grupo Provincial do Partido Popular (7).

## **9.- ROGOS E PREGUNTAS**

Non houbo.

E non habendo máis asuntos que tratar, a Presidencia dá por finalizada a reunión, sendo as doce horas e dez minutos, do que, como secretaria, dou fe.

Pontevedra, na data da sinatura electrónica

A Secretaria da Comisión,  
*(documento asinado electronicamente)*  
Marina Piñeiro Novo

